



IN OBITUM  
MAXIMI VIRI  
**MARQUARDI**  
**DE PRINTZ,**

Supremi Aulae Borussicae Mare-  
schalli, &c. &c. &c.

**P**RI NTZIUS occubuit, dignus quem lugeat  
orbis,

Cui fundat moestum docta Camena melos.

Huic inerant Suada & Charites, huic vivida virtus

Adfuit & purae Religionis amor.

Sub pedibus nunc astra videt, vultuque sereno

Respicit infani gaudia falsa soli.

Respicit & lacrymas, queis nondum aetate peracta

Prosequitur raptum plurima turba dolens.

Quid me fletis? ait, lacrymas ne fundite inanes:

Non licet his cineres sollicitare meos.

At si flere juvat, fortis miserescite vestrae,

Vos tenet innumeris vita agitata malis.

His vos flere super decet; at lugere beatum

In tantis positos luctibus, invidia est.

**Maturinus Veyssiére la Croze**  
Mœrens posuit.